

REGIONAL NEWS BULLETIN

HEADLINES (MORNING)

- 1. Mizoram Legislative Assembly Budget Session tannia Governor thusawi chungaw lawmthu sawina motion chu nimin khan House in lungual takin a pass.
- 2. Chief Minister Pu Lalduhoma'n ZPM-a inpe te chauhin sawhthing an hralh thei nia sawina chu an bawhzui nghal dawn a ti.
- 3. India AI Impact Summit 2026 New Delhi-a tel turin khawvel ram hruaitute an lo thleng tan.
- 4. Wawiin atangin Muslim te thlaserh Ramzan a intan.

<><><>

SESSION

Mizoram Legislative Assembly Budget Session tannia Governor thusawi chungaw lawmthu sawina motion chu nimin khan House in lungual takin a pass.

MLA Pu Lalramlian Governor thusawi chungaw lawmthu sawina motion hi nimin khan house ah a pu lut a, member ten nilenga an sawiho hnuah house chuan lungual takin a pass a ni.

(DESK)

<><><>

OPPOSITION LEADER- MOTION

Opposition Leader Pu Lalchhandama Ralte chuan Mizoram Civil Service Combined Exam 2025 result lo chhuak enthat ngaia awm chuan Mizoram sorkar chu sorkar tha leh chak a ni tak tak em tih zawhna a siam tir a ti.

Nimin Assembly Session tan ni-a Larsap thusawi chungchanga motion of thanks wawiina an sawihonaah he thu hi sawiin Pu Lalchhandama Ralte chuan Larsap chu Mizoram sorkar hre chiang ber te zinga mi a nih angin, Mizoram sorkar chu hna thawk tha (efficient), mawhphurha la ngam (responsible & accountable) leh langtlang (transparent) tih a chhiar lai khan a thinlung takin a tui loh a rin thu a sawi a, Mizoram sorkar efficient loh zia chu Zoram thalaiten an hriatchian a ring a ti a, Mizoram Civil Service Combined Exam result lo chhuak enthat ngaia awm chuan efficient sorkar a ni em tih thalaite chhan atan a duh tih a sawi a, MPSC pawhin mipui rinna a hloh phah ang tih a hlauhthawn thu a sawi a ni.

ZPM sorkarin thil tam takah sorkar hmasa tih a nih thu leh an tih a nih loh thu sawi a, an mawhphurhna a nih loh thu an sawi fo thin leh kum 2023 December thlaa mipuiin thuneihna an pek atanga mawhphurhna an kovah an phur tawh tih ngaihtuah ngai lova, midang bel ching sorkar chu mawhphurhna la ngam sorkar a ni em tih zawhna a zawt a ti.

Langtlang sorkar tih chungchang pawh sawi zuiin, Cabinet meeting thu zep tlat a, puang tha duh lova, tunhnaia sawi hlawh em em, Lengpui Airport ram hralh chungchanga RTI zawhna chhanna pe tha duh lova, a zawtute CIC-ah an zualko hnua CIC-in DC a koh hnuaah pek tur chin hrih a, thuneitusang Chief Information Commissioner inrawlh ngai chu langtlang sorkar a ni ngai em tih zawhna a zawt bawk a ti a. Opposition Leader chuan House Leader-in ZPM sorkar tirha langtlang sorkar an nih tur thu leh tumah an enhran loh tur thu a sawi chu wawiin thlengin hmuh tur a awm lo tih sawiin, khawiah nge langtlang sorkar chu a awm tih zawhna a zawt bawk a ni.

<><><>

CM-LENGPUI AIRPORT

Chief Minister Pu Lalduhoma chuan, Lengpui Airport chhehvel ram Indian Air Force hnena leitir chungchanga MNF sorkarin hma a lo lak tawh chu a diklo tih hrelo in, an lo hmalak tawh na ti danglamin a pulunga hralh lovin, hawhtir lease system in an kalpui a ni a ti.

Nimin sessiona Larsap thusawi chungchang sawihonaah he thu hi sawiin House Leader chuan sorkar hmasa in hma an lo lak tawhna chu ring lo theilo a ni a, amaherawhchu preliminary notification awm hmaa rate an lo tifel hi a diklo an ti a, a pulunga hralh tur chu an ti tawp a, preliminary leh final notification hi an chhuah a, a ram man dawngtu leh a commission tu ten an dawn hi khawiah nge a kal tak ang tih chu CBI in a chhui dawn a, sessiona lo sawi a ngai lova, an chhui chhuak mai ang, ati.

<><><>

CM

Chief Minister Pu Lalduhoma'n ZPM-a inpe te chauhin sawhthing an hralh thei nia sawina lehkha chu thudik a nih chuan a tul angin hma an la nghal dawn a, phuahchawp a nih chuan an bawhzui nghal dawn tih a sawi.

Nimina Assembly thutkhawma East Tuipui bialtu Pu Ramthanmawia'n a bial chhunga khaw pathumah sawhthing chingtute'n Society a inziahlul mai ni lovin, ZPM membership fee an pek loh leh in lawm luh ni a an din loh chuan ZPM sorkarin a leisak dawn lo tih sawi a awm tih sawiin, a lehkhaw pawh a neih thu a sawi a, hei hi ZPM kaihhruai sorkar chuan a hriatpui em tih zawhna a zawt a. Agricultur Minister Pu PC Vanlaluata chuan he thil thleng hi ZPM kaihhruai sorkar chuan a hriatpui loh thu a sawi a, Hemi chungchang hi House Leader Pu Lalduhoma, CM pawhin chhanglethin, he lehkhaw copy hi amah ngei pe turin a dil a, a dik a nih chuan a tul anga hma an lak tur thu leh, phuahchawp a nih chuan an bawhzui tur thu a sawi a ni.

<><><>

CM

Chief Minister Pu Lalduhoman tunhnaia Assembly petition commission thutlukna Speaker hnena thehlul a leak out chungchangah a thehluttu member chu Committee on Privileges hmaa din tir a duhsak lova, Speaker nena tha taka an sawi tlang thei a nih chuan tihtawp tha a tih thu a sawi.

Nimin Assembly Session-a an sawihonaah, House Leader chuan tunhnaia petition commission thutlukna Speaker hnena thehlul leak out chungchang sawiin, hetiang hi an la hriat ngai loh thil a nih thu a sawi a, Assembly hnuaiah committee hrang hrang a awm a, house-a a copy an pharh hma chuan confidential a ni a, sawi chhuah awih a ni lo a ti a, hei chen Assembly neih a nih chhungin member ten committee thuruk an sawi chhuah an la hre ngai lo a ti a, chanchinbu ah vawrh darh a ni chu pawh an tih thusawiin, tha tak a thehlul chu engmah pawh a awm lova, press conference ang hial kova chanchinbuah a chhung thu sawi zui a, action an la dawn tih sawi chu a vawikhatna thlenna a ni a ti a, Privilege Committee hmaa din tir than a nih avangin a hrehawm zia a hria a, a thehluttu member chu Privilege Committee hmaa din tir a duhsak lova, Speaker nena tha taka an sawi tlang thei a nih chuan tihtawp tha a tih thu sawiin, tha taka an sawi tlang thei lo a nih chuan Privilege Committee ah a kal zel a ngai maithai tih a sawi.

<><><>

SOCIAL WELFARE MINISTER

Social Welfare Minister Pi Lalrinpui'n Mizoram sum leh pai dinhmunin a zir loh avangin Sethawna Jordan Centre chu Synod hnena hlan turin sorkar a inpeih fel tawh tih a sawi.

He thu hi nimin Assembly thutkhawma zawhna leh chhanna hunah sawiin, Minister Pi Lalrinpui chuan Sethawn-a Jordan Centre chu Synod hnenah hlan turin Sorkar a inpeih fel tawh a, Synod lam inpeih fel hunah hlan fel theih a ni a ti a, hemi atan hian Synod chuan an budget-ah cheng vaibelchhe 2 an dah tawh niin thu an dawng tih sawiin, inremna pawh buaipui fel tawh a ni a, Law & Judicial Department phalna nghah mek a nih thu a sawi bawk. Zawh belhna chhangin, Minister chuan Synod hnena Jordan Centre an hlan chhan chu Mizoram sum leh pai dinhmunin a zir loh avang leh sorkar anga hma an lak chuan sorkar hnathawh anga thawh a nih chuan tute pawh an thatchhe thin tih sawiin, hei vang hian kohhranin a enkawl a that ber an ring tih sawiin Synod an dawr hnuah lawm takin an la a, an inrem dan chuan kumtin Mizoram sorkar chuan Grant-in-Aid (GIA) cheng nuai 50 an pe thin dawn a, inremna a ral hunah tihpun leh zel theih turin an dah tih a sawi bawk a ni.

Social Welfare Minister Pi Lalrinpui chuan tun dinhmunah Mizoramah ruihhlo ngaite enkawlna hmun 50 chuang a awm tih sawiin, ZPM kaihhruai Mizoram Sorkar chu ruihhlo do ah a tang hle tih sawiin, tun dinhmunah Lungleng ramah Pu Federeick-a te enkawl turin ruihhlo enkawlna hmun liantham tak din tum a ni a ti a, a hnuai inenkawl zui zelna (aftercare) te siamin, khawvel pum pawhin a hriat theih tura din an tum thu a sawi bawk a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

PM

India AI Impact Summit 2026 New Delhi-a tel turin khawvel ram hruaitute an lo thleng tan a. Nizan khan Prime Minister Modia'n heng ram hruaitu lo kalte hi Bharat Mandapam ah a lo dawngsawng a ni. Hruaitu lo tel zingah rench President Emmanuel Macron, Brazilian President Luiz Inácio Lula da Silva, Spanish Prime Minister Pedro Sánchez, Finland, Bhutan leh Mauritius Prime Ministers, Crown Prince of UAE, Slovakia President, United Nations Secretary-General António Guterres leh IMF Managing Director Kristalina Georgieva te pawh an tel a ni.

Vawiin hian Prime Minister Modia chuan India AI Summit 2026 hi ropui takin a hawng dawn a. Opening Ceremony ah hian France President leh UN Secretary General te pawhin thu an sawi ang.

Nimin khan Prime Minister Narendra Modia hian India AI Impact Summit New Delhi-a hmang tura lo kal khawvel ram hruaitute hi a kawm a. Pu Modia hian Spain President Pedro Sanchez nen Hyderabad House ah an inkawm a. Hruaitu Pahnihte hian India-Spain inkara thawhdunna pawimawhte an sawidun a. Heng zingah hian sumdawanna leh eibar zawnnate, digital, innovation, hriselna, sik leh sa inthlak nasa siam that chungchang leh zirna lamte a tel a ni. PM Modia chuan India-EU inlaichinna kawngah Spain thlawpnaah lawmthu a sawi a ni. Nimin vek khan Prime Minister Modia hian Finland Prime Minister Antti Petteri Orpo a kawm bawk a. Hruaitu pahnihte hian AI lama zirchianna kalpui te leh ram pahnih inkara thawhdunnaah India theihna tih chak zel an rel a ni. Pu Modia hian Serbia President Aleksandar Vucic nen an inkawm bawk a. Croatia PM Andrej Plenkovic a kawm bawk a. Estonia President Alar Karis, Bhutan PM Dasho Tshering Tobgay leh Kazakhstan Prime Minister Olzhas Bektenov te a kawm bawk a ni.

(Newsonair)

<><><>

RAMZAN

Vawiin atangin Muslim te thlaserh Ramzan a intan a. Thla thianghlim Ramzan hman chhungin Muslim sakhaw zuitute chuan chaw an nghei tan a ni. Ramzan hi Islamic Calendar-a thla kuana a ni a, Eid-ul-Ftr hmangin khar thin a ni. Prime Minister Narendra Modia chuan he thla thianghlim Ramzan intan niah hian mipuite chibai a buk a. He Ramzan Mubarak ah hian ramchhung mipuite nunah inunauna a awm zel theih a beisei thu a sawi a. Remna leh muanna hmuntinah lo thleng se a duh thu a sawi bawk a ni.

(Newsonair)

<><><>

EC - RAJYA SABHA ELECTION

Election Commission chuan State 10 huamchhunga Rajya Sabha seat 37 ah inthlan buatsaih hun atan March ni 16 a ruat. Inthlanna turte hi Maharastra ah seat 7, Tamil Nadu-ah seat 6, Bihar leh West Bengal ah seat 5 ve ve, Odisha ah seat 4, Assam ah seat 3, Telangana, Chhatisgarh leh Haryanaah seat 2 theuh leh Himachal Pradesh ah seat khat te a ni a. Inthlan hriattirna hi tun thla ni 26 ah tichhuah a ni ang a, thlaleh March ni 5 thleng thehluh theih a ni ang.

Kumin April thlaa Rajya Sabha MP term tawp tur zingah hian Union Minister Ramnath Thakur leh Ramdas Athawale, Rajya Sabha Deputy Chairman Harivansh, NCP-SP leader Sharad Pawar, RLM leader Upendra Kushwaha, Congress leader Abhishek Manu Singhvi, AIADMK leader M Thambidurai, leh DMK leader Tiruchi Shiva

(Newsonair)

<><><>